

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO UNUTRAŠNJIH POSLOVA  
FEDERALNO MINISTARSTVO UNUTARNJIH POSLOVA  
S A R A J E V O

**IZVJEŠTAJ O RADU FEDERALNOG MINISTARSTVA UNUTRAŠNJIH POSLOVA  
– FEDERALNOG MINISTARSTVA UNUTARNJIH POSLOVA  
ZA PERIOD 1. 1.–30. 6. 2016. GODINE**

Sarajevo, juli 2016. godine

## SADRŽAJ

UVOD .....	1
1. ODNOSI SA JAVNOŠĆU I MEĐUNARODNA SARADNJA .....	3
2. UPRAVNO-PRAVNI POSLOVI .....	4
2.1. Normativno-pravni poslovi .....	4
2.2. Državljanstvo i matične knjige .....	6
2.3. Upravno-nadzorni poslovi .....	9
3. ŠKOLOVANJE, STRUČNO OSPOSOBLJAVANJE I USAVRŠAVANJE .....	9
4. NADZOR RADA AGENCIJA I UNUTRAŠNJIH SLUŽBI ZA ZAŠTITU LJUDI I IMOVINE I ZAŠTITU OD POŽARA .....	11
5. MATERIJALNO-FINANSIJSKI POSLOVI .....	11
6. OPĆI I ZAJEDNIČKI POSLOVI .....	11

## UVOD

Zakonom o unutrašnjim poslovima Federacije BiH („Službene novine Federacije BiH“, broj 81/14) utvrđeni su organizacija, rukovođenje i nadležnosti Federalnog ministarstva unutrašnjih poslova, uključujući i Federalnu upravu policije, te međusobni odnosi Federalnog ministarstva unutrašnjih poslova i Federalne uprave policije sa kantonalnim ministarstvima unutrašnjih poslova, kao i druga pitanja od značaja za ostvarivanje funkcija Federacije BiH u oblasti unutrašnjih poslova.

U sastavu Federalnog ministarstva unutrašnjih poslova nalazi se Federalna uprava policije, koja obavlja operative poslove policije iz nadležnosti Federalnog ministarstva unutrašnjih poslova.

Unutrašnji poslovi iz nadležnosti Federalnog ministarstva unutrašnjih poslova su:

1. sprečavanje i otkrivanje krivičnih djela terorizma, međukantonalnog kriminala, stavljanje u promet opojnih droga i organizovanog kriminala te pronalaženje, hvatanje učinilaca tih krivičnih djela i njihovo privođenje nadležnim organima;
2. osiguranje određenih osoba i zgrada Federacije;
3. školovanje, stručno osposobljavanje i usavršavanje;
4. sticanje i prestanak državljanstva Federacije.

Poslovi iz zajedničke nadležnosti Federacije i kantona su: provođenje zakona i drugih propisa o državljanstvu, osobno ime, matične knjige i matični registar, agencije i unutrašnje službe za zaštitu ljudi i imovine, inspekcijски nadzor zaštite od požara, eksplozivne materije, prijevoz opasnih materija, poslovi detektivske djelatnosti, provođenje određenih mjera i radnji koje se odnose na područje nasilja u porodici u skladu sa zakonom, kao i drugi poslovi određeni zakonima Federacije.

U okviru realizacije svojih nadležnosti Federalno ministarstvo unutrašnjih poslova obavlja poslove iz člana 14., a Federalna uprava policije iz člana 31. Zakona o unutrašnjim poslovima Federacije BiH.

Između ostalog, Federalno ministarstvo unutrašnjih poslova je u izvještajnom periodu, odnosno 1. 1.–30. 6. 2016. godine, kontinuirano vršilo školovanje kadeta za čin „policajac“ i „mlađi inspektor“, kao i stručno usavršavanje policijskih službenika provođenjem specijalističkih kurseva u organizaciji Policijske akademije Federalnog ministarstva unutrašnjih poslova, međunarodnih organizacija i drugih institucija. Također, vršena je obuka za osposobljavanje polaznika za rad u agencijama za zaštitu ljudi i imovine.

Provedene su aktivnosti na pripremi šest prednacrtā, nacrtā i prijedloga federalnih zakona iz oblasti unutrašnjih poslova (Zakon o privatnim detektivima u Federaciji Bosne i Hercegovine, Zakon o prijevozu opasnih materija, Zakon o policijskim službenicima Federacije BiH, Zakon o izmjenama i dopunama Zakona o plaćama i naknadama policijskih službenika FBiH, Zakon o nabavljanju, držanju i nošenju oružja i municije i Zakon o državljanstvu Federacije BiH) i petnaest podzakonskih propisa (Pravilnik o unutrašnjoj organizaciji Federalnog ministarstva unutrašnjih poslova – Federalnog ministarstva unutarnjih poslova, Metodologija o sadržaju i

načinu izrade procjene ugroženosti i elaborata o zaštiti, Pravilnik o sadržaju i načinu provođenja inspekcijskog nadzora u oblasti fizičke i tehničke zaštite ljudi i imovine i sadržaj i postupak polaganja ispita za inspektora, Odluka o utvrđivanju udjela finansijskih sredstava potrebnih za korištenje specijalne kase, Utvrđen prečišćeni tekst Uputstva o načinu vođenja matičnih knjiga, Pravilnik o obrascima matičnih knjiga i drugim obrascima matičnih knjiga, Pravilnik o izmjeni pravilnika o plaćama i naknadama policijskih službenika u Federalnog ministarstva unutrašnjih poslova – Federalnog ministarstva unutarnjih poslova – Federalne uprave policije, Uputstvo o izmjenama uputstva o korištenju strelišta u krugu Centra za obuku Suhodol, Pravilnik o izmjenama pravilnika o postupku direktnog sporazuma u Federalnom ministarstvu unutrašnjih poslova – Federalnom ministarstvu unutarnjih poslova, Pravilnik o izmjenama i dopunama pravilnik o načinu oraganizovanja periodične provjere sposobnosti rukovanja oružjem, provjere zdravstvene i psihofizičke sposobnosti i stručne obuke zaposlenika agencija za zaštitu ljudi i imovine, Pravilnik o izmjenama i dopunama pravilnika o postupku polaganja i sadržaju posebnog stručnog ispita za matičara, Prijedlog Procedure o izmjenama i dopunama Procedure o načinu korištenja i upotrebe službenih mobilnih i fiksnih telefona, Poslovnik o sadržaju i načinu rada stručnog tijela za kontrolu kvaliteta papira, štampe i elemenata zaštite urađenih izvornika matičnih knjiga, izvoda iz matičnih knjiga, uvjerenja o državljanstvu i vjenčanih listova, Pravilnik o postupku sticanja i prestanka državljanstva Federacije Bosne i Hercegovine, promjeni entitetskog državljanstva i naknadnom upisu u matičnu knjigu rođenih, Pravilnik o naknadama za putne troškove lica koja nisu državni službenici, državnih službenika i namještenika Federalnog ministarstva unutrašnjih poslova – Federalnog ministarstva unutarnjih poslova).

Federalno ministarstvo unutrašnjih poslova, u okviru svojih nadležnosti, izvršilo je sve svoje redovne obaveze u okviru poslova predviđenih Pravilnikom o unutrašnjoj organizaciji, osim nekih čija dinamika je ovisna od usvojenih zakonskih rješenja ili zakonskih procedura, kao i od raspoloživih finansijskih sredstava.

U nastavku slijedi izvještaj sačinjen na osnovu podataka koje su dostavile organizacione jedinice Federalnog ministarstva unutrašnjih poslova i Federalna uprava policije za period 1. 1.–30. 6. 2016. godine.

## 1. ODNOSI SA JAVNOŠĆU I MEĐUNARODNA SARADNJA

U oblasti odnosa sa javnošću izvršene su u cijelosti planirane aktivnosti, kako sljedi: aktivnosti u vezi s odnosima s medijima: saopćenja za javnost, najave događaja, konferencije za štampu, izjave za medije (24 saopćenja); aktivnosti na osnovu Zakona o slobodi pristupa informacijama po predmetima i zahtjevima građana (27 zahtjeva); dostavljanje odgovora na upite građana (elektronskim putem); redovno ažuriranje web stranice Ministarstva kao i redizajniranje stranice; aktivnosti Odsjeka za odnose sa javnošću Ministarstva koji su obavljani i saradnji s Uredom Vlade FBiH za odnose sa javnošću kao i sa PR službenicima drugih federalnih ministarstava; medijski monitoring (štampani mediji i elektronski mediji); aktivnosti za resertifikacijski audit ISO 9001:2008 u Ministarstvu; lektorisanje svih dopisa, akata, dokumenata i tekstova (900 stranica).

U oblasti međunarodne saradnje u cijelosti su izvršene sljedeće aktivnosti: praćenje i ocjenjivanje stanja međunarodnih odnosa bitnih za Ministarstvo; saradnja sa međunarodnim organizacijama i institucijama; koordinacija i organizacija međunarodnih kontakata, kao i sudjelovanja službenika Ministarstva na konferencijama, sastancima i seminarima međunarodnog karaktera. U saradnji sa Ministarstvom sigurnosti BiH i drugim institucijama u BiH koordinirane su aktivnosti u vezi sa učešćem predstavnika Federalnog ministarstva unutrašnjih poslova na obukama/kursevima, koji su organizovani, u samostalnoj režiji ili u saradnji sa međunarodnim organizacijama, te su na 25 obuka učestvovala 42 predstavnika Federalnog ministarstva unutrašnjih poslova. Na prvoj obuci u okviru Edukacijskog programa kojeg organizuje Federalno ministarstvo unutrašnjih poslova u saradnji sa Turskom agencijom za saradnju i koordinaciju (TIKA), od dogovorene četiri, koja se održala u martu 2016. godine, na temu „Proces radikalizacije koja vodi ka terorizmu i metode prevencije“ učestvovala su 23 policijska službenika, a na drugoj: „Borba protiv automafije – osnovna obuka“, 11.-15. april, učestvovala su 22 policijska službenika sa područja Federacije BiH. Kontinuirano su praćene aktivnosti u vezi sa apliciranjem zainteresovanih policijskih službenika Federalne uprave policije na objavljene pozive za zamjenu pripadnika bh. kontingenta civilne policije u mirovnim misijama UN-a. U martu 2016. godine organizovana je predmisiona obuka kandidata zainteresovanih za učešće u mirovnim misijama UN-a u Centru za obuku za operacije podrške miru (PSOTC), na kojoj je učestvovao jedan predstavnik Federalne uprave policije. Obavljane su aktivnosti u vezi sa kandidiranjem predstavnika Federalnog ministarstva unutrašnjih poslova za radna tijela, koja su formirana kako na državnom tako i na entitetskom nivou kao i sa apliciranjem kandidata s područja Federacije BiH na objavljene pozive za popunu radnih mjesta: časnik za vezu BiH pri SELEC-u u Bukureštu, pozicija program menadžera (P-4) u Mirovnoj misiji u Libiji i pozicija policijskog savjetnika (P-4) u Mirovnoj misiji u Libiji.

Obavljani svi protokolarni, poslovi vođenja zapisnika za potrebe Kabineta ministra, prevodilački i administrativni poslovi kao i svi naknadno postavljani zadaci.

## **2. UPRAVNO-PRAVNI POSLOVI**

### **2.1. Normativno-pravni poslovi**

Provedene su aktivnosti na pripremi šest prednacrtā, nacrtā i prijedloga federalnih zakona iz oblasti unutrašnjih poslova, i to:

1. Zakon o privatnim detektivima u Federaciji Bosne i Hercegovine (usvojen od strane Doma naroda Parlamenta Federacije BiH, u toku je usaglašavanje sa amandmanima).
2. Zakon o prevozu opasnih materija (na 46. sjednici održanoj 24.3.2016. godine, Vlada Federacije BiH utvrdila nacrt Zakona o prevozu opasnih materija i uputila ga u parlamentarnu proceduru).
3. Zakon o policijskim službenicima Federacije BiH (na 4. redovnoj sjednici Predstavničkog doma Parlamenta FBiH održanoj 27. i 28. 10. 2015. godine, razmatran je Nacrt predmetnog Zakona te je Predstavnički dom donio Zaključak kojim utvrđuje da je Nacrt Zakona dobra osnova za izradu Prijedloga Zakona).
4. Zakon o izmjenama i dopunama Zakona o plaćama i naknadama policijskih službenika FBiH (Nacrt zakona razmatran i usvojen od strane Predstavničkog doma Parlamenta Federacije BiH).
5. Zakon o nabavljanju, držanju i nošenju oružja i municije (Nacrt zakona usvojen na nastavku 31. redovne sjednice Predstavničkog doma Parlamenta Federacije BiH).
6. Zakon o državljanstvu Federacije BiH (usvojen na 10. sjednici Doma naroda Parlamenta federacije BiH, održanoj 31.3.2016. godine, objavljen u "Službenim novinama Federacije BiH" broj: 34/16).

Te petnaest podzakonskih propisa:

1. Pravilnik o unutrašnjoj organizaciji Federalnog ministarstva unutrašnjih poslova – Federalnog ministarstva unutarnjih poslova (utvrđen konačan tekst, dostavljen na mišljenje radnim tijelima);
2. Metodologija o sadržaju i načinu izrade procjene ugroženosti i elaborata o zaštiti (sačinjena radna verzija predmetne metodologije).
3. Pravilnik o sadržaju i načinu provođenja inspekcijškog nadzora u oblasti fizičke i tehničke zaštite ljudi i imovine i sadržaj i postupak polaganja ispita za inspektora (sačinjena radna verzija predmetnog pravilnika).
4. Odluka o utvrđivanju udjela finansijskih sredstava potrebnih za korištenje specijalne kase (objavljena u "Službenim novinama Federacije BiH" broj: 3/16).

5. Utvrđen prečišćeni tekst Uputstva o načinu vođenja matičnih knjiga (Sačinjen prečišćeni tekst predmetnog uputstva u skladu sa Zaključkom Vlade Federacije BiH V.broj 1758/2015 od 16.12.2015. godine, te se vrše konsultacije u okviru Sektora).
6. Pravilnik o obrascima matičnih knjiga i drugim obrascima matičnih knjiga (obzirom na veliki broj izmjena sačinjen je novi tekst pravilnika u skladu sa Zaključkom Vlade Federacije BiH V. broj 1758/2015 od 16.12.2015. godine).
7. Pravilnik o izmjeni pravilnika o plaćama i naknadama policijskih službenika u Federalnog ministarstva unutrašnjih poslova – Federalnog ministarstva unutarnjih poslova – Federalne uprave policije (donesen Pravilnik, broj: 01-03-02-3-5/16 od 21. 04. 2016. godine).
8. Uputstvo o izmjenama uputstva o korištenju strelišta u krugu Centra za obuku Suhodol. (doneseno, broj: 01-03-23-1-149/15 od 15.1.2016. godine).
9. Pravilnik o izmjenama pravilnika o postupku direktnog sporazuma u Federalnom ministarstvu unutrašnjih poslova – Federalnom ministarstvu unutarnjih poslova. (donesen, broj: 01-03-14-2-847/16 od 23.3.2016. godine).
10. Pravilnik o izmjenama i dopunama pravilnik o načinu oraganizovanja periodične provjere sposobnosti rukovanja oružjem, provjere zdravstvene i psihofizičke sposobnosti i stručne obuke zaposlenika agencija za zaštitu ljudi i imovine. (sačinjen Prijedlog pravilnika i dostavljen na konsultacije i mišljenja radnih tijela).
11. Pravilnik o izmjenama i dopunama pravilnika o postupku polaganja i sadržaju posebnog stručnog ispita za matičara. (Utvrđen tekst prijedloga predmetnog pravilnika i upućen na mišljenje. Pribavljeno mišljenje federalnog ministarstva pravde i Ureda vlade Federacije BiH za zakonodavstvo i usklađenost sa propisima europske unije).
12. Sačinjen prijedlog Procedure o izmjenama i dopunama Procedure o načinu korištenja i upotrebe službenih mobilnih i fiksnih telefona.
13. Poslovnik o sadržaju i načinu rada stručnog tijela za kontrolu kvaliteta papira, štampe i elemenata zaštite urađenih izvornika matičnih knjiga, izvoda iz matičnih knjiga, uvjerenja o državljanstvu i vjenčanih listova. (sačinjena je radna verzija, te je u toku usaglašavanje teksta radne verzije sa Komisijom za kontrolu kvaliteta papira, štampe i elemenata zaštite urađenih izvornika matičnih knjiga, izvoda iz matičnih knjiga, uvjerenja o državljanstvu i vjenčanih listova, koju je imenovao Ministar).
14. Pravilnik o postupku sticanja i prestanka državljanstva Federacije Bosne i Hercegovine, promjeni entitetskog državljanstva i naknadnom upisu u matičnu knjigu rođenih. (sačinjena je radna verzija, te je u toku usaglašavanje sa organizacionim jedinicama Sektora).
15. Pravilnik o naknadama za putne troškove lica koja nisu državni službenici, državnih službenika i namještenika Federalnog ministarstva unutrašnjih poslova – Federalnog ministarstva unutarnjih poslova.

Redni broj	Aktivnosti	Period	Broj
1.	Prednacrt, nacrt i prijedlog federalnih zakona iz oblasti unutrašnjih poslova	I - VI	6 Zakona ( u fazi donošenja vidi komentar)
2.	Podzakonski propisi koje donosi Vlada Federacije BiH (uredbe i odluke)	I - VI	1 Odluka
3.	Podzakonski propisi koji se donose iz nadležnosti Ministarstva	I - VI	2 Pravilnika 1 Uputstvo  7 Pravilnika ( u fazi donošenja vidi komentar) 1 Uputstvo ( u fazi donošenja vidi komentar)
4.	Davanje stručnih mišljenja o prednacrtima, nacrtima i prijedlozima zakona i drugih propisa i općih akata iz nadležnosti Ministarstva	I - VI	/
5	Upravni postupak koji se ne završava donošenjem rješenja (rođeni, vjenčani, umrli, JMBG, usvojenje, lične karte, prebivalište, uvjerenja o nekažnjavanju, vozačke dozvole, kancelarijsko poslovanje, predstavke i dr.)	I - VI	/

## 2.2. Državljanstvo i matične knjige

Odsjek za državljanstvo i matične knjige nastavio je sa obavljanjem redovnih poslova iz svoje nadležnosti utvrđenih Pravilnikom o unutrašnjoj organizaciji Federalnog ministarstva unutrašnjih poslova. Rješavalo se u upravnim stvarima i postupcima iz oblasti državljanstva i matičnih knjiga, i to: donošena su rješenja o prijemu u državljanstvo po osnovama propisanim Zakonom o državljanstvu Federacije Bosne i Hercegovine, rješavalo se po zahtjevima državljana BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva, zatim po žalbama na akte prvostepenih organa iz oblasti Zakona o matičnim knjigama i Zakona o ličnom imenu, te su davana stručna mišljenja iz oblasti navedenih zakona.

Ukupno je zaprimljeno 1144 zahtjeva za izbor/promjenu entitetskog državljanstva državljana BiH sa prebivalištem u Brčko Distriktu BiH, odnosno prijem u državljanstvo BiH i FBiH po osnovu međunarodnog sporazuma i naturalizacije. Od navedenog



broja zaprimljenih zahtjeva dominiraju zahtjevi koji se odnose na izbor/promjenu entitetskog državljanstva državljana BiH sa prebivalištem u Brčko Distriktu BiH (962 zahtjeva), dok se 182 zahtjeva odnose na prijem u državljanstvo BiH i FBiH po osnovu međunarodnog sporazuma i naturalizacije.

Ukupan broj donesenih pravosnažnih rješenja o prijemu u državljanstvo BiH i FBiH po osnovu međunarodnog sporazuma i naturalizacije iznosi 137, dok broj rješenja o promjeni/sticanju entitetskog državljanstva državljana BiH sa prebivalištem u Brčko Distriktu BiH iznosi 1003. Pored gore navedenog, doneseno je 36 rješenja po žalbama izjavljenim na rješenja prvostepenih organa, jedno rješenje kojim je odbijen prijem u državljanstvo BiH i FBiH, osam zaključaka kojim je obustavljen postupak prijema u državljanstvo BiH i FBiH i četiri rješenja o povratu uplaćene administrativne takse za prijem u državljanstvo BiH i FBiH. Dostavljeno je jedno stručno mišljenje/odgovor na upit vezano za pitanje provođenje Zakona o državljanstvu i Zakona o matičnim knjigama i pet odgovora nadležnom sudu po pokrenutom upravnom sporu. U skladu sa Zakonom, vođene su propisane evidencije iz oblasti državljanstva, te vršene razne vrste provjera na zahtjev državnih organa (Ministarstvo vanjskih poslova, Ministarstvo sigurnosti), 49 provjera državljanškog statusa.

Inspektori za matične knjige i državljanstvo dostavili su 64 odgovora na upit, donijeli osam rješenja o nalažanju mjera za otklanjanje nepravilnosti i nedostataka, jedno rješenje po žalbama, te dva zaključka o produženju roka za izvršenje mjera naloženih rješenjem. Pored gore navedenog obavili su 11 redovnih i 12 ponovljenih inspekcijskih nadzora.

Službenici zaduženi za vođenje Jedinog centralnog matičnog registra obavljali su konsultacije sa kantonalnim inspektorima vezano za vođenje matičnog registra, te su tražene mogućnosti za aktiviranje pojedinih nodova registra uslijed nedostupnosti servera. Također, snimili su podatke registra na vanjski mediji, te očistili glave backup uređaja/arhivskih medija. Vršene su konsultacije sa općinskim uredima. Otklonjen je zastoj na kantonalnom serveru (SSL), kao i zastoj na replikaciji podataka za općine Zenica, Tomislavgrad i Trnovo. U mjesecu junu vršene su asistencije korisnicima matičnog ureda Kupres u pogledu korištenja podataka iz matičnog registra, a u skladu sa Uputstvom o pristupu matičnim knjigama (za potrebe CIK-a), te riješili problem nemogućnosti korištenja verifikovanih podataka iz matičnog ureda Stolac. Učestvovali su u razgovorima o uspostavljanju elektronske razmjene matičnih podataka na entitetskom nivou uz saradnju Ministarstva civilnih poslova. Također su finalizirani detalji u vezi sa sklapanjem Ugovora o održavanju JCMR-a sa OeSD-om. Obavljani su i svi drugi poslovi koji su neophodni za nesmetan rad i funkcionisanje Jedinog centralnog matičnog registra. Izvršeno je 395 provjera kroz JCMR.

Jednom mjesečno (petkom) u Uredu FMUP-a u Brčko Distriktu BiH, pružana je pravna pomoć licima koja podnose zahtjev za sticanje/promjenu entitetskog državljanstva državljana BiH sa prebivalištem u Brčko Distriktu BiH. Obavljani su i drugi poslovi.

**IZVJEŠTAJ O RADU ODSJEKA ZA DRŽAVLJANSTVO I MATIČNE KNJIGE ZA PERIOD JANUAR - JUNI 2016. GODINE**

1. UP-1, oblast državljanstva, kl. oznaka 13-4-		2. UP-2, oblast državljanstva, matičnih knjiga i ličnog imena			
a)	Zahtjevi za prijem u državljanstvo po osnovu člana 8. i 9. Zakona o državljanstvu FBiH / naturalizacija	2	a) Broj zaprimljenih žalbi na rješenja prvostepenih organa i rješenja federalnog inspektorata za državljanstvo i matične knjige	27	
b)	Zahtjevi za prijem u državljanstvo po osnovu člana 10. Zakona o državljanstvu FBiH / maloljetna lica	0	b) Rješenja po žalbama na rješenja prvostepenih organa i rješenja federalnog inspektorata za državljanstvo i matične knjige	36	
c)	Zahtjevi za prijem u državljanstvo po osnovu člana 12. Zakona o državljanstvu FBiH / ugovor o dvojnomo državljanstvu	180	c)	Broj odgovora na upit/ dostavljanje stručnih mišljenja	1
			3.	<b>Upravni sporovi, odgovori na tužbe dostavljeni nadležnom sudu po tužbama</b>	
d)	Zahtjevi državljanstva BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva,	962	a)	Broj dostavljenih odgovora nadležnom sudu	5
			4.	<b>Oblast rada inspektorata za državljanstvo i matične knjige</b>	
			a)	Broj zaključaka o produženju roka	2
			b)	Broj rješenja o nalaganju mjera za otklanjanje nepravilnosti i nedostataka utvrđenih inspekcijskim nadzorom	8
			c)	Broj obavljenih redovnih inspekcijskih nadzora	11
			d)	Broj obavljenih vanrednih inspekcijskih nadzora	12
e)	Pravosnažna rješenja o prijemu u državljanstvo po osnovu člana 8. i 9. Zakona o državljanstvu FBiH / naturalizacija	0	e)	Broj zaprimljenih žalbi na rješenja kantonalnih inspektora	1
			f)	Broj donesenih rješenja po žalbama	2
f)	Pravosnažna rješenja o prijemu u državljanstvo po osnovu člana 10. Zakona o državljanstvu FBiH / maloljetna lica	0	g)	Broj odgovora na upit/ dostavljanje stručnih mišljenja	64
			5.	<b>Ostale aktivnosti, građanska stanja i evidencije</b>	
g)	Pravosnažna rješenja o prijemu u državljanstvo po osnovu člana 12. Zakona o državljanstvu FBiH / ugovor o dvojnomo drž.	137	a)	Predmeti vezani za rođenje i MKR, kl.oz. 13-1	343
			b)	Predmeti vezani za sklapanje braka i MKV, kl.oz. 13-2	262
			c)	Predmeti vezani za JMB, kl. oznaka 13-5	48
h)	Rješenja po zahtjevima državljanstva BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva,	1003	d)	Predmeti vezani za prebivališta i boravište i sl. kl. oznaka 13-6	4
			e)	Predmeti vezani za putne isprave, kl. oznaka 13-7	9
			f)	Predmeti vezani za smrt lica i matičnu knjigu umrlih i prijenos posmrtnih ostataka, kl. oznaka 13-3	305
i)	Rješenja o odbijanju prijema u državljanstvo donesena po gore navedenim zahtjevima	1	g)	Evidentirana rješenja FMUM-a o prijemu u državljanstvo BiH i FBiH	137
j)	Zaključci o obustavi/prekidu postupka pokrenutim po gore navedenim zahtjevima	8	h)	Kantonalna rješenja o prijemu u državljanstvo, kl. oznaka 13-4	25
			i)	Rješenja Državne komisije o rev. Državljanstva, kl. oznaka 13-4	15
k)	Rješenja, povrat uplaćene administrativne takse za prijem u državljanstvo po gore navedenim zahtjevima	4	j)	Rješenja MUiLS R. Srpske, prom/izbor entitetskog drž. 13-4	216
			k)	Provjere državljanškog statusa, kl. oznaka 13-4	49
			l)	Zahtjevi za naknadni upis u KD FBiH i dr. (dostavljanje izvoda, uvjerenja	10
			lj)	Broj izvršenih provjera kroz centralni matični registar	395

### 2.3. Upravno-nadzorni poslovi

Redni broj	Aktivnosti	Period	Broj
1.	Izdavanje posebnih saglasnosti u skladu sa članom 26. stav 2. i 26. b stav 2. Zakona o agencijama i unutrašnjim službama za zaštitu ljudi i imovine	I - VI	23
2.	Izdavanje saglasnosti za nabavljanje vatrenog oružja iz člana 24. st 4. Zakona o agencijama i unutrašnjim službama za zaštitu ljudi i imovine	I - VI	13
3.	Odlučivanje u postupku po izjavljenim žalbama na rješenja Kantonalnih Ministarstava unutrašnjih poslova	I - VI	9
4.	Odlučivanje u postupku po izjavljenim žalbama na rješenja Inspektorata za nadzor rada Agencija za zaštitu ljudi i imovine FMUP-a	I - VI	1
5	Priprema stručnih mišljenja na zahtjev fizičkih i pravnih lica	I - VI	6

### 3. ŠKOLOVANJE, STRUČNO OSPOSOBLJAVANJE I USAVRŠAVANJE

U skladu sa zakonskim odredbama, planom rada i iskazanim potrebama policijskih agencija za obukom svojih kadrova, Policijska akademija Federalnog ministarstva unutrašnjih poslova u izvještajnom periodu obavila je i obavlja poslove redovnog školovanja kadeta za čin „policajac“ i „mlađi inspektor“. Održani su kursevi s ciljem obrazovanja, osposobljavanja i usavršavanja policijskih službenika u organizaciji Policijske akademije i u organizaciji međunarodnih organizacija. Održani su kursevi u cilju osposobljavanja polaznika za obavljanje poslova fizičke, tehničke zaštite i odgovornih osoba.

Nastavni proces zasnovan je na savremenim metodama, kako bi se što efikasnije postigla realizacija postavljenih ciljeva i zadataka u obuci policije, u skladu sa međunarodnim principima i standardima. Obuka se izvodi prema metodologiji koja se zasniva na uvježbavanju policijskih radnji i procedura na približno stvarnim situacijama - situaciona obuka, koja podrazumijeva pripremljene scenarije snimljene na video kasetama, koji se naknadno realizuju uvježbavanjem polaznika u praktičnim situacijama gdje im se pruža mogućnost primjene stečenog teorijskog znanja. U realizaciji programskih sadržaja posebna pažnja je usmjerena na obuku policije iz oblasti prava i provođenja zakonskih ovlaštenja, fizičku pripremljenost polaznika te formiranja svijesti kod svakog polaznika da je policija demokratska institucija u službi zajednice.

Pored polaznika osnovne policijske obuke na Policijskoj akademiji, smještaj i ishrana se obezbjeđuje za polaznike kurseva i polaznike obuke fizičke i tehničke zaštite kao i odgovornih osoba.

Različite oblike edukacija na Policijskoj akademiji u izvještajnom periodu pohađao je 1168 polaznik.

Program	Aktivnosti	Indikator izvršenja	Napomena
Osnovna obuka	Obuka za čin „policajac“	Broj diploma 45	U toku je školovanje 205 polaznika za čin „policajac“ i 13 polaznika za čin „mlađi inspektor“
	Obuka za čin „mlađi inspektor“	Broj diploma 17	
Stručno osposobljavanje i usavršavanje	Kursevi u organizaciji Policijske akademije	Broj polaznika -certifikata 104	
	Kursevi u organizaciji međunarodnih organizacija	Broj polaznika 70	
	Obuka u organizaciji drugih institucija	Broj polaznika 30	
	Obuka u rukovanju i upotrebi vatrenog oružja	Broj polaznika-certifikata 531	
Agencije za zaštitu ljudi i imovine	Obuka za fizičku zaštitu	Broj certifikata 321	
	Obuka za tehničku zaštitu	Broj certifikata 29	
	Obuka za odgovorne osobe	Broj certifikata 21	

#### 4. NADZOR RADA AGENCIJA I UNUTRAŠNJIH SLUŽBI ZA ZAŠTITU LJUDI I IMOVINE I ZAŠTITU OD POŽARA

Obavljani su redovni, kontrolni i vanredni nadzori agencija za zaštitu ljudi i imovine, unutrašnjih službi pravnih lica, finansijskih institucija i pravnih lica za zaštitu od požara i to:

Aktivnost	Indikator izvršenja
Redovan, kontrolni i vanredni nadzor agencija za zaštitu ljudi i imovine	33 izvještaja, 33 zapisnika, 10 rješenje o naloženim mjerama i 1 prekršajni nalog
Redovan, kontrolni i vanredni nadzor unutrašnjih službi pravnih lica	61 izvještaj, 61 zapisnika, 15 rješenja o naloženim mjerama i 2 prekršajna naloga
Redovan, kontrolni i vanredni nadzor finansijske institucije	40 izvještaja, 40 zapisnika, 12 rješenja o naloženim mjerama i jedan prekršajni nalog
Redovan, kontrolni i vanredni nadzor pravnih lica za zaštitu od požara	103 izvještaja, 103 zapisnika, 22 rješenja o naloženim mjerama

#### 5. MATERIJALNO-FINANSIJSKI POSLOVI

Blagovremeno su izvršeni finansijsko-knjigovodstveni, investicijski te poslovi javnih nabavki.

#### 6. OPĆI I ZAJEDNIČKI POSLOVI

Zaprimljeno je 4419 novih predmeta. Od toga je 646 u vezi sa prijemom u državljanstvo BiH i FBiH a 2267 se odnosi na pružanje međunarodne pravne pomoći, povrata izgubljenih stvari, zamijenjenih dokumenta i dr.. Otpremljeno je 9290 akata.

Pripremljen je Plan integriteta Federalnog ministarstva unutrašnjih poslova.

Sastavni dio ovog Izvještaja je Izvještaj Federalne uprave policije za period januar-juni 2016. godine.